



PRÆPARATA  
ET  
COMPOSITA.

ACETUM COLCHICI.

Rec. Radicis Colchici recentis, succulentæ,  
dissectæ, Unciam unam,  
Aceti vini Libram unam.

MACERA leni calore per biduum et postea  
cola cum expressione.

ACETUM CONCENTRATUM.

ACETUM vini rigida hyeme in vase ligneo  
concrescat in glaciem, qua perfracta, acetum  
in medio contentum decanthetur. Satis con-  
centratum est, si eius Drachma sufficit ad satu-  
rationem Salis Tartari Scrupuli unius.

EODEM modo concentratur Succus CITRI,  
si ad tertiae partis fluidæ remanentiam gelu  
cogitur.

ACETUM DESTILLATUM.

*Sive Spiritus Aceti.*

ACETI vini circiter quarta pars e cucur-  
bita vitrea eliciatur destillatione per alembi-  
cum vitreum, balnei calore. Haec phlegma  
est. Mutato tum recipiente protrahatur de-

stillatio, quamdiu clarus, nec empyreumaticus prodit Spiritus, qui servetur.

**ACETUM PROPHYLACTICUM.**

*Sive Antisepticum.*

R. Summitatum herbæ Absinthii Pontici,  
Abrotani,  
Menthæ crispæ,  
Rosmarini,  
Rutæ,  
Salviae, Singulorum  
Unciam unam cum  
dimidia.

Florum Lavendulæ Uncias duas,  
Calami aromatici,  
Cinnamomi,  
Caryophyllorum,  
Nucis moschatæ, Singulorum Drachmas  
duas,

Aceti vini Congium unum.

MACERA leni calore per octo dies in cu-  
curbita vitrea optime clausa. Colatura cum  
expressione facta per chartam trajiciatur.

**ACETUM PROPHYLACTICUM  
COMMUNE.**

*Vulgo Acetum Bezoardicum.*

R. Radicis Angelicae Libram unam,  
Summitatum Absinthii vulgaris Unciam  
unam cum dimidua,  
Allii Unciam semis,  
Aceti vini Congium unum.

MACERA leni calore per octo dies in cu-  
curbita vitrea optime clausa. Cola-

turæ expreßæ, per chartam postea traje-  
ctæ, adde

Camphoræ, in Spiritus vini q. s. solutæ,  
Unciam semis.

### ACETUM ROSACEUM.

R. Florum Rosæ rubræ siccatorum q. v. Aceti  
vini octuplum.

In vase vitro bene clauso macera leni  
calore per quatuor dies, et colaturam per  
chartam trajice.

EODEM modo cum Floribus Sambuci pa-  
ratur ACETUM SAMBUCINUM.

### ACETUM SATURNINUM.

*Vulgo Acetum Lithargyri.*

R. Lithargyri triti Libram semis,  
Aceti vini Libras duas.

In vase cupreo vel figulinio coque leni ca-  
lore per quadrantem horæ, bacillo ligneo sae-  
pius agitando. Quod post residentiam claris-  
simum est, serva pro usu.

Si Acetum hoc vaporet ad siccitatem, ha-  
betur PULVIS EXTRACTI SATURNI.

### ACETUM SCILLITICUM.

R. Scillæ siccataæ Uncias sedecim,  
Aceti vini Congium unum.

MACERA leni calore per dies quindecim;  
deinde exprime acetum et post subsidentiam  
cola.

*Nota.* Ut diutius a fæculis conservetur,  
ante colaturam addantur Spiritus vini rectifi-  
cati Unciae quatuor.

ACETA reliqua vegetabilium simili modo  
præserventur a fœculis, addendo nimirum Spi-  
ritus vini rectificati partem circiter vigesimam  
quartam.

## ACIDUM NITRI.

*Vulgo Spiritus Nitri acidus sive Glauberi.*

R. Nitri purissimi, Siccati, Libras duas.

Sub camino, et caute evitando vapores,  
in retorta vitrea gradatim admisce  
Acidi Vitrioli fortis Libram unam.

Ex arena fiat destillatio, igne primum le-  
ni, deinde validiore.

*Nota.* Quod in retorta restat, aqua calida  
solutum, et addita Solutione Alcali vegetabilis  
fixi ad saturationem, posteaque crystallisatum,  
Sal medium dat ejusdem naturæ ac TARTARUS  
VITRIOLATUS, pro quo substitui potest.

## ACIDUM SALIS COMMUNIS.

*Vulgo Spiritus Salis acidus.*

R. Acidi vitrioli fortis Libram unam.  
caute adde

Aquae fluviatilis Libram unam.

Salis communis pulverati Libras duas.

E RETORTA vitrea statim fiat destillatio ad  
siccitatem igne arenæ leni.

Quod in retorta residuum est, aqua solu-  
tum et Solutionis Soda depuratæ quantitate  
sufficiente saturatum atque per chartam colo-  
rum, crystallisatione dat SODAM VITRIOLATAM  
*vulgo Sal mirabile Glauberi dictam.*

## ACIDUM TARTARI DESTIL- LATUM.

*Vulgo Spiritus Tartari.*

R. Tartari crudi pulverati q. pl.

REPLEATUR illo retorta terrea tubulata ultra dimidium, et fiat destillatio igne aperto sensim aucto. In recipiens vas, quod capacissimum esse debet, transbit Spiritus acidus una cum oleo.

Spiritus ille acidus, ab oleo separatus, ex retorta vitrea rectificetur.

Ex residuo, quod in retorta manet, fiat cum aqua fluviatili lixivium, quod per chartam colatum, et evaporando ad siccitatem reductum, SAL TARTARI dat. Si hoc Sal album non est, calcinatione, solutione, colatione et evaporatione repetitis, tale tandem obtinebitur.

## ACIDUM VITRIOLI FORTE RECTIFICATUM.

*Vulgo Oleum Vitrioli.*

R. Acidi Vitrioli fortioris (Olei vitrioli dicti) q. v.

Ex retorta vitrea leni calore fiat destillatio, donec liquor ascendens, roris instar, discretis guttulis in collo retortæ, non ulterius appareat. Liquor clarus in retorta remanens, calidus etiamnum in lagenam vitream sicciam, epistomio vitro munitam, transfundatur, et ab aëris accessu servetur.

C

## ACIDUM VITRIOLI TENUE.

*Vulgo Spiritus Vitrioli.*

- R. Aquæ destillatæ simplicis Uncias octo,  
Acidi Vitrioli fortis rectificati Unciam  
unam.

*Caute et gradatim misceantur.*

## ÆRUGO CRYSTALLISATA.

*Vulgo Flores viridis aeris.*

- R. Æruginis q. pl.  
Aceti destillati q. s. ad aliquot digitorum  
supereminentiam.

IN vase vitro macera et acetum tinctum  
decantha. Residuo novum acetum affunde,  
maceræ et per decanthationem separa; quod  
toties repetatur, donec acetum non tingatur.  
Tum Solutiones omnes, per chartam colatae,  
in vase vitro vaporent ad cuticulam apparen-  
tem, et in loco frigido crystallos ponere per-  
mittantur. Crystalli, ab adhærente liquore  
separatae, leni calore siccentur, et residuus a  
crystallis liquor denuo vaporet, ut crystalli  
iterum formari queant, quae eodem modo sic-  
catæ cum prioribus serventur.

## ÆTHER VINI.

*Vulgo Æther Vitrioli sive Spiritus Frobenii.*

- R. Spiritus vini rectificissimi,  
Acidi Vitrioli fortis, singulorum Libras  
tres.

CAUTE commisceantur in cucurbita vitrea,  
spiritui gradatim instillando Acidum Vitrioli.  
Leni mox igne destillentur primum Unciae  
sex vel octo, quae separatim serventur ad alios

usus. Recipiente tum mutato, continuetur destillatio leni igne, donec striæ in alembico non ulterius appareant, maxime cavendo, ne massa nigra, in cucurbita manens ascendat et laborem perdat. Liquorem destillatum misce cum Aquæ Calcis limpidae duplo, ut separetur Æther supernatans, qui servari debet in lagena vitrea, epistomio vitro clausa.

### ÆTHIOPS ANTIMONIALIS.

R. Antimonii præparati Unciam unam.

*Hydrargyri purificati* Unciam semis.

*Florum Sulphuris* Drachmam unam.

In mortario vitro tamdiu terantur, donec hydrargyrus penitus dispareat.

### ÆTHIOPS MARTIALIS.

R. Limaturæ Ferri purissimi, non rubiginosi,

q. pl.

In vase vitro lato affundatur aquæ fluviatilis ad supereminentiam sex digitorum. Limatura quotidie sub aquâ agitetur Spathulâ lignæ, observando simul, ut aquæ semper eadem quantitas superemineat. Hoc per plures hebdomadas continuato, magna ferri pars in pulverem valde nigrum fatiscit, in aqua per aliquot minuta suspensilem. Aqua illo turbida decanthesetur, ut quieta demittat pulverem, qui ab aqua separatus siccari celeriter debet, atque vasis clausis servari.

### ÆTHIOPS MINERALIS.

R. *Florum Sulphuris* q. pl.

Leni calore in vase ferreo capaci liquefactis  
adjice

**Hydrargyri purificati Par pondus.**

Spathulâ ferrea assidue agita per dimidium horæ, ut mellis consistentiam semper retineat. Si crassior evadit massa, igne paulum aucto liquefiat, et postquam refixerit, in mortario ferreo teratur in pulverem, qui per cibarium trajectus affusa aqua super marmor lævigeletur.

Fit quoque cum Hydrargyri duplo pondere.

#### ALUMEN USTUM.

In patina ferrea calcinetur alumen, donec spongiosum evadat.

#### ANTIMONIUM PRÆPARATUM.

ANTIMONIUM crudum in mortario ferreo, pistillo ferreo tritum et lævigatum cum multa aqua misce et agita. Aquam polline tenuissimo saturatam effunde in vas idoneum, quod sepone. Crassiorem pulverem residuum eodem tracta modo, atque subsidentes pulveres tenuissimos exsicca et serva.

#### AQUA ALEXITERIA.

R. Foliorum Menthae crispæ,  
Florum Sambuci, modice siccatorum, singularum Libram unam,  
Seminum Angelicæ Uncias quatuor,  
Aquaæ fluviatilis q. s. ad evitandum empyreuma.

Destillatione eliciantur Congii duo.

*Nota.* Omnes aquæ destillari debent per alembicum, refrigeratorio, aqua semper frigida impleto, munitum.

#### AQUA ANETHI.

R. Seminum Anethi Unicas quatuor,

Aqua fluvialis q. s. ad evitandum empyreuma.

Destillatione eliciantur Librae sex.

EODEM modo destillantur Aqua Fæniculi et Petroselini seminum.

### AQUA AURANTII.

Vulgo Aqua Naphæ.

R. Florum Aurantii recentium Libras tres,

Aqua fluvialis q.s. ut empyreuma evitetur.

Destillatione eliciantur Librae tres.

EODEM modo destillantur Aqua Rosarum

Damascenarum, Sambuci et Tiliae florum.

### AQUA CALCIS.

Vulgo Aqua benedicta.

R. Calcis vivæ, nuper calcinata, Libram semis.

Sensim affunde,

Aqua purissimæ Congium unum.

EBULLITIONE peracta vas agitetur, deinde subsideat calx, et aqua per chartam colata, in lagenis rite obturatis servetur.

*Nota.* Mixtura lactescens, ab Aqua pura et Calce fine Creta rite calcinata parata, Acidis non effervescent.

Ex testis Ostrearum calcinatis, eodem modo paratur Aqua calcis Ostrearum.

### AQUA CERASORUM.

R. Fructuum Cerasorum nigrorum, maturorum, cum nucleis contulorum, Libras viginti,

Aqua fluvialis q. s. ad evitandum empyreuma.

Destillatione elicantur Librae viginti.

Eodem modo fit *Aqua Fragorum.*

AQUA CINNAMOMI.

- R. Cinnamomi Libram unam,  
Vini albi Gallici Libras duas,  
Aquæ fluvialis q. s. ad evitandum em-  
pyreuma.

Destillatione elice Libras sex aquæ, in qua  
solve

Sacchari albissimi Unciam unam cum di-  
midia.

AQUA COERULEA.

*Vulgo Aqua Saphirina.*

- R. Aquæ Calcis Libram unam,  
Salis ammoniaci Drachmam unam,  
Æruginis crystallisatae Grana quinque  
Misce, atque post solutionem et præcipi-  
tationem decanta.

AQUA MENTHÆ CRISPÆ.

- R. Foliorum Menthae crispæ recentium Libras  
quatuor,  
Aquæ fluvialis q. s. ut evitetur empyp-  
reuma.

Destillatione elice Libras sex.

EODEM modo destillantur *Aqua Hyssopi,*  
*Menthae piperitidis* et *Pulegii.*

AQUA PICEA.

- R. Picis liquidæ Libras duas,  
Aquæ fluvialis Congium unum.  
IN vase ligneo agita bacillo ligneo, dein-  
de per duodecim horas subsidat pix et aqua de-  
cantetur.

## AQUA PIPERIS JAMAICENSIS.

R. Piperis jamaicensis Libram semis,  
Aqua fluvialis q. s. ad evitandum em-  
pyreuma.

Destillatione eliciantur Libræ decem.

## AQUA SATURNINA.

*Vulgo Aqua vegetabilis mineralis.*

R. Aquæ destillatæ simplicis Libras duas,  
Spiritus Vini Unciam unam,  
Aceti Saturnini Unciam semis,  
Mixta in vase vitro serva,

## AQUA STYPTICA.

*Vulgo Liquor Stypticus Weberi.*

R. Aluminis,  
Vitrioli cœrulei, singulorum Uncias tres,  
Aquæ fluvialis calidæ Libras duas.  
Solutioni per chartam colata sensim in-  
stillata

Audi Vitrioli fortis Drachmas duas.

## AQUA VITRIOLICA.

R. Vitrioli albi purificati Drachmas duas,  
Aquæ destillatæ simplicis Libras duas.  
Solutionem per chartam cola.

## AXUNGIÆ SEVIQUE CURATIO.

A membranis, venulis et fibrilis, quan-  
tum fieri potest purgata, consindantur in fru-  
sta, laventur aqua; deinde liqueantur leni igne  
et post humiditatis evaporationem colentur.

## BALSAMUM AROMATICUM.

*Vulgo Balsamum Cephalicum Scherzeri.*

R. Olei expressi Nucis moschatæ Unciam  
unam.